



Broj: 06-04-4-3958-1/25
Sarajevo, 23. 12. 2025. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

PARLAMENT FEDERACIJE BOSNE I HERCEGOVINE
PREDSTAVNIČKI / ZASTUPNIČKI DOM

Primljeno:		25-12-2025	
Org. jed.	Broj	Priloga	Vrijednost
05/1	-02-	762	/25

n/p Dragan Mioković, predsjedavajući

Ul. Hamdije Kreševljakovića br. 3
71 000 Sarajevo

Predmet: Odgovor na poslaničko pitanje, dostavlja se
Veza: Vaš akt broj: 05-02-762-/2025 od 19. 12. 2025. godine

Poštovani,

Ured za reviziju institucija u Federaciji Bosne i Hercegovine (u daljnjem tekstu: Ured za reviziju) 22. 12. 2025. godine zaprimio je Vaš akt, u prilogu kojeg je dostavljeno poslaničko pitanje Gorana Opsenice, zastupnika u Predstavničkom domu Federacije BiH, u vezi nepostupanja u skladu s članom 82. Zakona o zdravstvenom osiguranju kod finansiranja Fonda solidarnosti i datog mišljenja za kršenje tog zakona. S tim u vezi navodimo sljedeće:

Ured za reviziju institucija u FBiH nadležan je za finansijske, revizije učinka i druge specifične revizije regulisane članovima 13, 14. i 18. Zakona o reviziji institucija u FBiH („Sl. novine FBiH“, br. 22/06). Nadležnost (okvir) Ureda za reviziju detaljnije je propisana članom 11. Zakona.

Ured za reviziju je konstatovao neusklađenost i nepoštovanje Zakona o zdravstvenom osiguranju kod sufinansiranja Fonda solidarnosti o čemu se duzi niz godina piše u izvještajima o finansijskoj reviziji Federalnog ministarstva zdravstva, kao nadležnog Ministarstva, putem kojeg se odobravaju sredstva za finansiranje Fonda solidarnosti; Izvještaja o izvršenju Budžeta FBiH, koji se odnosi na Vladu FBiH i Federalno ministarstvo finansija, u okviru njihovih nadležnosti; te Federalnog zavoda zdravstvenog osiguranja i reosiguranja. Izvještaji o obavljenim revizijama sadrže relevantne nalaze, zaključke i preporuke, te su zbog značaja ove problematike u navedenim izvještajima date kvalifikacije i istaknuta pitanja. Za realizaciju datih preporuka odgovorno je rukovodstvo ovih institucija. Detaljnim izvještavanjem i kvalifikovanjem ovog pitanja, vjerujemo da je Ured za reviziju adekvatno problematizirao i skrenuo pažnju o ovoj zakonskoj neusklađenosti i povećao svijest o važnosti obezbjeđenja pripadajućeg iznosa sredstava za sufinansiranje Fonda solidarnosti, u svrhu osiguranja ravnopravnog položaja svih osiguranih lica i pružanja prava liječenja pacijentima u propisanom obimu, u skladu s članom 82. Zakona o zdravstvenom osiguranju.

Shodno članu 16. Zakona o reviziji institucija u FBiH, Ured za reviziju je konačne izvještaje o obavljenim revizijama dostavio svim relevantnim institucijama i objavio na svojoj internet-stranici.

Slijedom obavljenih rasprava predmetnih revizorskih izvještaja, Parlamentarna komisija odgovorna za reviziju o revizorskim izvještajima revidiranih subjekata i korisnika Budžeta FBiH za 2021., 2022. i 2023. godinu je sačinila Izvještaj, koji je usvojio Parlament FBiH. U Izvještaju su doneseni zaključci kojima je, između ostalog, zatraženo od Vlade FBiH da u roku ne dužem od 60 dana razmotri sva systemska pitanja i o tome izvjesti Parlament FBiH. Između ostalih, tu je i pitanje finansiranja Fonda solidarnosti u skladu s članom 82. Zakona o zdravstvenom osiguranju. Također, ostali revidirani subjekti su zaduženi da Komisiji i Vladi FBiH dostave plan implementacije preporuka sa definisanim rokovima i odgovornim licima.

Ured za reviziju će o ovoj problematici nastaviti pisati sve do realizacije datih preporuka.

S poštovanjem,

Dostavljeno:

- Naslovu
- a/a



GENERALNI REVIZOR

Mirza Kudić